

20 մայիսի 2015թ.

ք. Երևան

ՀՀ Ֆինանսների նախարարության Արարատյան տարածաշրջանային մաքսատան պետի տեղակալ Ա. Փալիկյանն, ուսումնասիրելով «Միլադ» ՍՊ ընկերության (ՀՎՀՀ-01260229, ք. Երևան, Հալաբյան 33/4, գրանցման համար թիվ 271.110.795648) կողմից 2014թ-ի մայիսի 15-ին թիվ C 17875 ԲՄՀ-ով «Ներմուծում՝ ազատ շրջանառության համար» մաքսային ռեժիմով ձևակերպված առաջնային ձևի, հատիկավոր պոլիէթիլենի մաքսային ձևակերպման փաստաթղթերը,

Պ Ա Ր Զ Ե Ց Ի

«Միլադ» ՍՊ ընկերությունը 2014թ-ի մայիսի 15-ին թիվ C 17875 ԲՄՀ-ով «Ներմուծում՝ ազատ շրջանառության համար» մաքսային ռեժիմով հայտարարագրել է առաջնային ձևի, հատիկավոր պոլիէթիլեն, որի ավելացված արժեքի հարկի վճարումը, ըստ վերը նշված մաքսային հայտարարագրի, հետաձգվել է մինչև 15.05.2015թ., սակայն ընկերությունը սահմանված ժամկետում չի վճարել այդ ռեժիմով նախատեսված ավելացված արժեքի հարկը: Հայտարարագիրը 15.05.2014թ-ին ընդունվել է մաքսային մարմնի կողմից, ինչի կապակցությամբ հայտարարագրի վրա նշվել է հայտարարագրի ընդունման համարը և ամիս, ամսաթիվը (թիվ L 15274): Հայտարարագրի ընդունման պահին գործող ՀՀ մաքսային օրենսգրքի 25-րդ հոդվածի համաձայն՝ «Ներմուծում՝ ազատ շրջանառության համար» մաքսային ռեժիմը կարգավորում է ապրանքների և տրանսպորտային միջոցների ներմուծումը Հայաստանի Հանրապետության մաքսային տարածք՝ առանց հետագա արտահանման պարտավորության: Մաքսային այս ռեժիմի շրջանակներում օրենքով սահմանված չափով և դեպքերում գանձվում են մաքսային վճարներ: 15.05.2014թ-ի թիվ C 17875 ԲՄՀ-ով «Ներմուծում՝ ազատ շրջանառության համար» մաքսային ռեժիմով հայտարարագրված առաջնային ձևի, հատիկավոր պոլիէթիլենի համար մինչև 15.05.2015թ. ենթակա է վճարման ավելացված արժեքի հարկ և տույժեր՝ սահմանված ժամկետում ԱԱՀ-ի գումարները չվճարվելու համար:

«Մաքսային կարգավորման մասին» ՀՀ օրենքի 89-րդ հոդվածի 1-ին կետի համաձայն՝ մաքսային վճարներ են համարվում մաքսատուրքը, մաքսային մարմիններին վճարվող **ավելացված արժեքի հարկը**, ակցիզային հարկը և մաքսավճարը: Նույն հոդվածի 4-րդ կետը սահմանում է, որ մաքսային մարմիններին վճարման ենթակա հարկերի և այլ վճարների հետ կապված հարաբերությունները կարգավորվում են Հայաստանի Հանրապետության օրենքներով: Իսկ «Ավելացված արժեքի հարկի մասին» ՀՀ օրենքի 6¹-րդ հոդվածի 1-ին մասի 5-րդ պարբերության համաձայն՝ սույն հոդվածի նույն մասին համապատասխան հետաձգված ԱԱՀ-ի գումարները ենթակա են վճարման

պետական բյուջե մինչև ժամկետը լրանալու օրը: Նույն հոդվածի 3-րդ կետը սահմանում է, որ սույն հոդվածի առաջին և երկրորդ մասերով սահմանված ժամկետում ԱԱՀ-ի գումարները չվճարվելու դեպքում օրենքով սահմանված տույժերի հաշվարկումը և այդ գումարների նկատմամբ հսկողությունն իրականացնում է մաքսային մարմինը, իսկ ԵՏՄ անդամ պետություններից ներմուծվող ապրանքների մասով հարկային մարմինը: Հաշվարկված ԱԱՀ-ի գումարները և սահմանված ժամկետում չվճարված գումարների նկատմամբ հաշվարկված տույժերը վճարվում են որպես մաքսային մարմինների կողմից պետական բյուջե հավաքագրվող գումարներ, իսկ ԵՏՄ անդամ պետություններից ներմուծվող ապրանքների մասով՝ որպես հարկային մարմինների կողմից պետական բյուջե հավաքագրվող գումարներ: Իսկ «Մաքսային կարգավորման մասին» ՀՀ օրենքի 115-րդ հոդվածի 2-րդ կետի համաձայն՝ մաքսատուրքի, հարկերի վճարումը սահմանված ժամկետներից ուշացնելու դեպքում ժամկետանց յուրաքանչյուր օրվա համար վճարողից գանձվում է տույժ՝ ժամանակին չվճարված մաքսատուրքի, հարկի գումարի 0,15 տոկոսի չափով, բայց ոչ ավելի, քան 365 օրվա համար:

Հաշվարկ՝

Հիմք ընդունելով ՀՀ ՖՆ Արարատյան տարածաշրջանային մաքսատան գանձումների համակարգման և հաշվառման բաժնի մաքսային տեսուչ Կ. Կարապետյանի կողմից կազմված տեղեկանքով ներկայացված հաշվարկը՝ «Միլադ» ՍՊ ընկերության կողմից թիվ C 17875 մաքսային հայտարարագրով հայտարարագրված ապրանքի համար 18.05.2015թ-ի դրությամբ ՀՀ պետական բյուջե ենթակա է վճարման **6 357 632 ՀՀ դրամ**, որից **6 329 151 ՀՀ դրամ** ԱԱՀ և **28 481 ՀՀ դրամ** տույժ՝ հետաձգված ավելացված արժեքի հարկը սահմանված ժամկետից ուշ վճարելու համար:

Ելնելով վերոգրյալից և ղեկավարվելով Մաքսային Միության մաքսային օրենսգրքի 210-րդ հոդվածով, «Մաքսային կարգավորման մասին» ՀՀ օրենքի 115-րդ հոդվածի 2-րդ կետով, 179-րդ հոդվածով, «Ավելացված արժեքի հարկի մասին» ՀՀ օրենքի 6-րդ, 6¹-րդ և «Վարչարարության հիմունքների և վարչական վարույթի մասին» ՀՀ օրենքի 53-րդ և 58-րդ հոդվածներով՝

Ո Ր Ո Շ Ե Ց Ի

1. «Միլադ» ՍՊ ընկերությունից հոգուտ պետբյուջեի գանձել **6 357 632 ՀՀ դրամ**, որից **6 329 151 ՀՀ դրամ** ԱԱՀ և **28 481 ՀՀ դրամ** տույժ՝ հետաձգված ավելացված արժեքի հարկը սահմանված ժամկետից ուշ վճարելու համար:
2. Որոշման մասին օրենքով սահմանված կարգով տեղյակ պահել «Միլադ» ՍՊ ընկերությանը:

Որոշումն ուժի մեջ է մտնում այն սրանալու պահից և «Վարչարարության հիմունքների և վարչական վարույթի մասին» ՀՀ օրենքի 10-րդ գլխի նորմերին համապատասխան կարող է

երկամսյա ժամկետում բողոքարկվել վերադասության կարգով կամ ՀՀ վարչական դատավարության օրենսգրքով սահմանված կարգով վարչական դատարան:

Որոշումը կամավոր չկատարվելու դեպքում այն կկատարվի «Դատական ակտերի հարկադիր կատարման ծառայության» միջոցով՝ պարտապանի հաշվին:

Մաքսատան պետի տեղակալ



Ա. Փալիկյան